

URED VIJEĆA EVROPE U SARAJEVU

POSTIGNUĆA U 2025. GODINI

Ured Vijeća Evrope u Sarajevu podržava napredak Bosne i Hercegovine ka evropskim standardima demokratije, ljudskih prava i vladavine prava. Novi **Akcionni plan Vijeća Evrope za Bosnu i Hercegovinu za period 2026–2029** usmjerava partnerstvo zasnovano na rezultatima, s ciljem ukorjenjivanja demokratskih vrijednosti, poštivanja jednakopravnosti i različitosti, te izgradnje trajnog povjerenja u javne institucije.

Suradnja Vijeća Evrope s Bosnom i Hercegovinom snažno je podržana i kroz zajednički program Evropske unije i Vijeća Evrope „Horizontal Facility za Zapadni Balkan i Tursku“, koji pomaže vlastima u provođenju reformske agende uz istovremeno osiguravanje usklađenosti sa evropskim standardima. Blisko surađujući s domaćim institucijama, civilnim društvom i lokalnim zajednicama, Ured pretvara **evropske principe u konkretan napredak**. Od pravednijeg pravosuđa i slobode medija do sigurnijih zajednica, bolje uprave i demokratskog obrazovanja.

U BROJKAMA: PLATFORMA ZA DJELOVANJE | OD JANUARA 2026.



34 POSVEĆENA UPOSLENIKA
OD KOJIH SU 28 PROJEKTNO OSOBLJE.



**UKUPAN PROCIJENJENI BUDŽET
AKCIONOG PLANA JE 27
MILIONA EURA.**

DONATORSKA PODRŠKA
PODUPIRE REFORME I DONOSI
TRAJNE KORISTI ZA GRAĐANE
ŠIROM BOSNE I HERCEGOVINE.

**PREUZMI AKCIONI
PLAN VIJEĆA EVROPE
ZA BOSNU I
HERCEGOVINU
2026-2029**



**11 REGIONALNIH I 18
LOKALNIH PROJEKATA**

UKLJUČUJUĆI:

- 6 U OKVIRU TEMELJNOG PROGRAMA EU I VIJEĆA EVROPE "HORIZONTAL FACILITY ZA ZAPADNI BALKAN I TURSKU".
- 9 KOJI SE FINANSIRAJU DOBROVOLJNIM PRILOZIMA.




ZAŠTO JE VAŠE UČEŠĆE BITNO

Svaka reforma ostvarena u Bosni i Hercegovini rezultat je zajedničke vizije domaćih institucija, građana, Evropske unije, donatora i Vijeća Evrope. Zajedno pretvaramo principe u napredak i osiguravamo da demokratija, jednakopravnost i pravda ostanu stubovi otpornijeg društva.



Živa biblioteka razumijevanja. U školama širom zemlje, „knjige“ govore ljudskim glasovima. „Živa biblioteka“ obuhvatila je više od 430 učenika u 17 škola, stvarajući prostor za susrete koji razbijaju stereotipe i podstiču empatiju. Ove ljudske priče pretvaraju apstraktne vrijednosti u stvarno, proživljeno iskustvo. Pogledaj uvodni video o „Živoj biblioteci“.

REZULTATI AKTIVNOSTI VIJEĆA EVROPE U BOSNI I HERCEGOVINI



UNAPREĐENJE PRAVOSUĐA, LJUDSKIH PRAVA I INSTITUCIONALNIH KAPACITETA

Pravosuđe koje radi za građane. Sudovi širom zemlje ojačali su kapacitete za primjenu standarda Evropske konvencije o ljudskim pravima i za efikasno izvršenje presuda Evropskog suda za ljudska prava. Visoko sudsko i tužilačko vijeće sada priprema pouzdanije sudske statistike, usklađene s metodologijom Evropske komisije za efikasnost pravosuđa (CEPEJ), dok pilot-sudovi testiraju alate za odgovornu upotrebu vještačke inteligencije u obradi predmeta.

JAČANJE DOBRE UPRAVE I MEDIJSKIH SLOBODA

Zaštita novinara i medijskih sloboda. Zajedno s Evropskom unijom i OSCE-om, Vijeće Evrope uspostavilo je tužilačke kontakt-tačke posvećene zaštiti novinara. Pravni stručnjaci i sudije prošli su obuke o Preporuci Komiteta ministara CM/Rec(2024)2 državama članicama o suzbijanju strateških tužbi protiv javnog djelovanja (SLAPP), kao i preporuke Vijeća Evrope o unapređenju zaštite novinara i zviždača te jačanju slobode izražavanja kao ključne za očuvanje demokratije.

JAČANJE FINANSIJSKOG INTEGRITETA U BORBI PROTIV KORUPCIJE

Borba protiv korupcije i privrednog kriminala. Nadležne institucije sada primjenjuju nadzor zasnovan na procjeni rizika radi identifikacije potencijalnih slučajeva pranja novca i finansiranja terorizma u sektoru nekretnina. Ostvaren je značajan napredak u oblasti finansijskog integriteta. Vijeće Evrope podržalo je reforme sistema prijavljivanja imovine, reviziju pravilnika radi unapređenja provedbe Zakona o sukobu interesa, te pomoglo digitalizaciju nadzora nad finansiranjem izbornih kampanja u Centralnoj izbornoj komisiji kako bi se osigurali transparentni izborni procesi.

ZAŠTITA RANJIVIH GRUPA I PROMICANJE LJUDSKIH PRAVA

Zaštita žena i suzbijanje trgovine ljudima. Mreža od 342 stručnjaka iz policijskih organa, pravosuđa i sistema socijalne zaštite sada efikasnije surađuje na sprečavanju digitalnog i seksualnog nasilja nad ženama. Strategija za borbu protiv trgovine ljudima dobila je snažniju lokalnu primjenu uz podršku Vijeća Evrope, dok su inicijative za širenje svijesti među mladima dosegle više od 34.500 mladih ljudi, promovirajući znanje i zaštitu od novih oblika eksploatacije putem interneta.

PROMICANJE JEDNAKOPRAVNOSTI

Ujedinjeni protiv mržnje. Inicijativa podizanja svijesti „Blokiraj mržnju. Podijeli ljubav 2.0“ obuhvatila je sport, škole i lokalne zajednice. Vodeći nogometni klubovi prenijeli su poruku jednakopravnosti do više od 11.000 navijača i 300.000 televizijskih gledalaca, dok su učenici i predstavnici vjerskih zajednica pokrenuli zajedničke interaktivne inicijative koje promovišu dijalog, toleranciju i poštovanje.

LOKALNA DEMOKRATIJA I OBRAZOVANJE

Škole koje oblikuju demokratiju. Četiri školska resursna centra za unapređenje demokratske kulture predvode inkluzivne obrazovne reforme i osnažuju nastavnike za promicanje učešća i građanskih vrijednosti. Rad Vijeća Evrope na razvoju planova i programa prepoznat je u praksi Ustavnog suda u vezi sa nastavnim planom predmeta istorije u Republici Srpskoj, što je značajan signal za obrazovnu reformu zasnovanu na standardima.